

SANITÉ: Le dotur Eduard Agreiter é demez por feries dai 15 ai 26 de messé y vëgn sostituì dala doturia Grete Mahlknecht 349 06 67 034 o 0474 523 018

SAN MARTIN Y LUNGIARÜ

I berbesch y les mèdes dla Ciasa de Palsa invieia dōta la popolaziun incō domēnia, ai 14 de messé, dales 9.30, ala Gran Mëssa tl'entrada dla Ciasa de Palsa y dedo deboriada a n pice renfrësch y musiga por sté n pū' adöm.

Al vëgn metü a jì n peregrinaje al santuar de Medjugorje dai 28 de setēmbër ai 03 d'otober 2019. Por informaziuns y prenotaziuns pro Cristine y Konrad La Val 0471 843 077 o 344 27 26 701

Oraziun de Taizé sō Oies en vëndres, ai 19 de messé, dales 20.00

SAN MARTIN

En dedemesaledema, ai 17 de messé, dales 17.00 inant vëgnel sié la cortina, chi che á dlaurela é bel peria da gní a daidé. Da bur tēp vëgnel sié la jōbia.

LUNGIARÜ

Sce valgügn pó adoré n tablé 4m x 4m fat de legns torogns, ési peria da se lascé adintēne por telefon 348/40 96 353. Le tablé vëgn scinché!

La Uniun dl Sport da San Martin mēt a jì n curs de atletica lisiera por mituns y mitans dla scora mesana cun Alex Verginer vigni dedolōnesc dai 16 de messé cina ala fin dl isté a San Martin tl ciamp dl sport Pradel. Vigni iade danmisdé dales 09.30 inant. Prenotaziuns y informaziuns le pröm de o por telefon: 334 35 01 175 (Alex) 339 62 11 647 (Maria)

Manifestaziuns:

En vëndres, ai 19 de messé, é indō les stries che bala sōn Börz! Dales 16.00 inant mēt man n bel program por mituns adöm cun artisç de strada, jüc cun liēndes y stories. Dales 18.30 intratignimēt musical cun le Cor de dljia d'Antermēia y dales 21.00 inant podarán ji adöm cun i striuns sōn i pra de Pütia y dedō le gran bal cun les stries che cianta y bala incēr le fūch ia.

10^a incuntada di orghi da man: Por le diejimo iade s'incunta en chësc ann, en sabeda y en domēnia, ai 20 y 21 de messé, i orghi da man apé de Pütia. La incuntada mēt man en sabeda dales 18.00 tla Ütia de Börz. La domēnia sonará gragn y pici, y sciöche ghesç n grup dla Slovenia, dales 11.00 inant ia dala Ütia de Fornela. Trami i dis sarál la firma Rutar che presentará sū orghi da man.

Badia Musiga invieia a chisc conzerc:

- Conzert de musiga baroca cun le Ensemble Baroque tla dljia de Badia, incō domēnia, ai 14 de messé, dales 21.15
- Conzert de percusiun cun Philipp Lamprecht tl salf J.B. Runcher a Badia en lönesc, ai 15 de messé, dales 21.15
- Conzert dl Duo Barta y Pereyra (mezzosopran y chitara) tl salf dles uniuns a La Pli en dedemesaledema, ai 17 de messé, dales 21.15
- Conzert de musiga vocala y stromentala baroca cun l'Ensemble Fidicinium tla dljia da La Val en vëndres, ai 19 de messé, dales 21.00
- Conzert „La douceur et l'esprit“ cun Nadia Prousch, Veronica Egger y Marianna Bisacci a San Ciascian en domēnia, ai 21 de messé, dales 21.15.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

14.07. – 21.07.19 nr. 33

ultimo termo por comunicaziuns: jōbia dales 20.00

radio: 90,40 / 93,70

15^a DOMÈNIA ia por l'ann C

Vangele do Lūca 10,25-37

N èl è jü da Ierusalem jō Ièriho y é gnü pié dai ladruns.

Ai l'á arobè fora y l'á dramè jō ia por tera;

spo s'un ési jüs y l'á lascè dailò mez mort.

Por caje é gnü n prou jō por le medemo tru; al l'á odü y é jü inant.

Ince n levit é rové söl post; al l'á odü y é jü inant.

Spo é gnü n èl dala Samaria,

che é söl iade.

Canch'al l'á odü, àl

àl albü compasciun impara,

ti é jü pormez,

à juté öre y vin sōn sües plaies

y les à liades sō.

Spo l'al alzè sōn so tier da ciaria

l'á condüt te na ostaria

y à fistidié por èl.



Da aldí le vangele da incö me vëgnel imënt da me damané:

Ci m'é pa important tla vita? Te ci relaziuns viri pa?

De chë ái pa debojën?

Tla vita en general é l'amur dl proscim dessigü un di ideai plü importanc.

Che é pa mi proscim, mi vijin, la porsona che m'é plü daimpró?

Forsc fossel dërt ch'i me damanass atramënter?

Por chë sunsi pa iö la porsona plü daimpró?

Te chësc caje ne sunsi nia iö ch'i me chiri fora mi proscim

mo al é l'ater che sint chë che ti é plü daimpró, chë che podes le daidé.

Proscim pó ester le pröm che ti capitëia sōn so tru.

Proscim pó ester chël, de chël ch'al á te chësc momënt debojegn.

Proscim pó ester vignun che é sëgn important por l'ater. (P.A)

	SAN MARTIN	LUNGIARÜ	 Benedì este tö, Idî, por le dé, en chël che t’as ressuscité Crist, to Fi, dala mort y l’as istituì sciöche sorëdl dla salvëza. La domënia abineste tüa comunité incër ël y te la mëtes tl lominus de so amur. La domënia renovëieste l’alianza de fedelté che t’as stlüt jö cun nos tla mort y tla ressozeziun de Gejù Crist. Crist, to Fi, vëgn amesa nos: Al nes dá tüa reconziliaziun y tüa pêsc. Al nes scinca tres danü so Spirit Sant, che nes deura le cör al mistêr de to amur y nes deura la bočia por la lauda de tües gran opres che t’as fat por nos y döt le monn. Benedì este tö, amich de nosta vita, por la scincunda de chësta domënia. Cun reconescënza orunse desmostrè nosta ligrëza por chësc dé. Delibrëiesse da dotes les triches y dala prescia y làscesse palsè te to amur. I t’aprijun cun to Fi tl Spirit Sant y intonun cun ligrëza l’inn di cors dl cil che decïanta la lauda de tüa gloria.
14.07.19 15^a DOMËNIA DL ANN C	9.30 Gran Mëssa dla Comunité <u>tla Ciasa de Palsa</u> <i>te dlijia n’ël degöna mëssa dla domënia</i>	7.55 Corona 8.15 Gran Mëssa dla Comunité cun benedisciun dl tëmp 15.00 Corona tla capela de S. Ujöp	
15.07.19 Lönesc <i>Bonaventura, Bornert</i>	19.00 Mëssa sö Ju en onur dl Sacher Cör familia Clement, Pice Ju + + Cristina y Franz Conrater	7.30 Mëssa + Carlo Planatscher	
16.07.19 Dedolönesc <i>Maria dl Carmel, Carmela, Elvira</i>	19.30 Mëssa vis y def. families Sepl Frenes, Prerom. familia Gazzani + Zingerle Pire		
17.07.19 Mercui <i>Alejio, Carlota, Hedwig</i>		7.30 Mëssa fam. Planatscher	
18.07.19 Jöbia <i>Arnold, Aurea</i>	7.30 Mëssa dl ann + Irene Prousch y + Cherubina + + Nando y Hannele Flöss + Giovanni Tavella + Zelestin Vantsch (dl ann) Corona por vocaziuns		
19.07.19 Vëndres <i>Iüsta, Rufina, Marina</i> Confesciuns sö Oies 16.30-18.00	19.00 Adoraziun chîta y Confesciuns 19.30 Adoraziun deboriada	7.30 Mëssa por les Animes	
20.07.19 Sabeda <i>Margareta, Apolinar, Aaron</i>	15.30 Mëssa tla Ciasa de Palsa 18.30 Mëssa prefestia dl ann + Alfred Videsott + Tone Pedevilla (dl ann) + Notburga Gasser (dl ann)	20.00 Mëssa prefestia dl ann + Matia Clara + Clara Sisto + + Angela y Severino Clara	
21.07.19 16^a DOMËNIA DL ANN C <i>Oferta de San Cristofer</i>	9.00 Corona 9.30 Gran Mëssa dla Comunité cun benedisciun dl tëmp <i>Oferta por les Misciuns</i> 13.00 Bato de Markus Chizzali	7.55 Corona 8.15 Gran Mëssa dla Comunité + siur Fonjo Clara <i>Oferta por les Misciuns</i> 15.00 Corona tla capela de S. Ujöp	
LA CARITAS DLA DIOZEJA PRËIA DO OSC AIÛT da daidé la jënt che se döra fan tl’Africa Informaziuns ciafëise sota a www.caritas.bz.it Spënores pó gní fates sön le cunt: Raiffeisen Landesbank IT42 F0349311600000300200018. - Dilan			